

- دى روح مهها كان ، وحرام عليك . ونهض الدسوقى فى تناقل ، وقال وهو يحكم ربط الحزام حول وسطه ، ويعدل من وضع الكاب فوق رأسه .

- انا بس كنت عاوز اتفاهم معاك على حكاية الفرح بتاع البننت ، أصل الحالة نار زى مانت عارف ، والواحد ما بقاش فيه حيل . وقال المعلم وهو يربت على ظهر الضابط :

- ان شاء الله هتفرج ، وكل شىء هيبقى عال ، وانا حكون بره يوم فرح البننت وهنعمل واجب .. وارعش الدسوقى حاجيبه . وقال فى أدب مزيف :

- يسمع من بقك ربنا . وقال المعلم : انت عليك نجيب الورق م المصلحة اقوم اخرج بعد اسبوعين ونحضر الفرح ، ونفرح كلنا مع بعض . - بس .. انت عارف ..

- مفيش بس ولا حاجة انت قدها وقدود .. روح شوف الواد اللي ييموت ده . وتوكل على الله ، وشوف حالك ، دول خمسميت جنيه يايه كل جنيه ينطح اخوه شوف اكل عيشك يا بوخليل انت راجل كبير ودى حاجة هايقة .

عض ابراهيم شفته السفلى بغيظ وتلمظ كأنه قطة جائعة ، وضرب بيده على فخذه . وقال وهو ينظر للمعلم بغيظ مكبوت :

- على كل حال اللي فيه الخير يقدمه ربنا . كان صياح المساجين يتصاعد للجو عندما خرج الدسوقى ، وزعق عسكري انقضاء انتباه ، اشارة الى ان الضابط قد حضر . واشتدت الضجة فى العناير وفى الفناء ، واتجه المعلم المسلكاتى الى النافذة فاغلقها وغاب الضجيج خلفها ، وعاد المستشفى تغرق فى هدوء لزج متوتر . وكان خدم المعلم المسلكاتى قد انهمكوا فى اخفاء كل شىء وتنظيف المكان بعناية .

وعندما تمدد على السرير استعدادا للنوم ، القى نظرة خاطفة نحوى ، فوجدنى مازلت جالسا فى مكانى ، ساهما مسطولا ، وقال المعلم وهو يشد الحزام على جسمه :

- اونطجى ابو خليل ده .. عاوز ياخذ من غير مايدى ، مش كفاية مرتب شهرى قد مرتبه من الحكومة ، ويعدين قلت له على خدمة بسيطة ، عاوز